

Název: Konfirmace Mikuláše řečeného Kakabus k oltáři sv. Brikcí v Olomouci

Místo uložení: Zemský archiv Opava, pobočka Olomouc

Signatura: Metropolitní kapitula Olomouc, A III a 13

Doba vzniku a provenience: 26. 10. 1401, Olomouc

Pečet': sekretní pečet' olomoucké kapituly

Přepis:

¶Nostros Andreas de Broda Theutunicali¹ archidiaconus et capitulum ecclesie Olomucensis notumfacimus tenore presencium universis, quod ad presentacionem || et petitionem venerabilis ac religiosi viri domini Henrici, prepositi monasterii in Lantskrona Luthomisslensis diocesis, honorabilem dominum Vitum de Lompnycz,² perpetuum nostre ecclesie Olomucensis vicarium, procuratorem et nomine procuratorio honorabilis viri domini Nicolai^a dicti Kakabus, officialis curie episcopalnis || Luthomisslensis, de cuius presentacionis mandato nobis plena fuit facta fides, in et ad altare sancti Briccii in dicta nostra Olomucensi ecclesia fundatum et erectum, vacans per mortem bone memorie honorabilis viri domini Iohannis de Ghulen,³ decani ecclesie Magdeburgensis,⁴ ecclesie nostre Olomucensis canonici, in quo prefatus dominus Henricus prepositus ius patronatus seu ius presentandi noscitur obtinere iuxta et secundum laudabilem et prescriptam consuetudinem ecclesie nostre Olomucensis, nomine dicti domini Nicolai^b et in ipsius personam confirmavimus et in rectorem legitimum dicti altaris instituimus et ministrum, sibi curam et administracionem spiritualium et temporalium eiusdem in Dei nomine committentes. Mandavimusque sibi de fructibus, redditibus, proventibus, iuribus et obvencionibus universis et integraliter prefati altaris responderi et eundem dominum Vitum, procuratorem suum, nomine et vice ipsius in possessionem ipsius altaris fecimus induci corporalem. In quorum omnium et singulorum testimonium premissorum literas nostras seu presens publicum instrumentum per Conradum Iohannis de Tesschin,⁵ nostri capitulo notarium publicum infrascriptum, confirmationem, institutionem et investituram in se continentem seu continens scribi et publicari mandavimus sigillique nostri capitulo appensione iussimus communiri.

Datum et actum Olomucii in stuba nostra capitulari sub anno Domini millesimo quadringentesimo primo, indicione nona, die vicesima sexta mensis Novembris, hora terciarum vel quasi, pontificatus sanctissimi in Christo patris et domini nostri, domini Bonifacii, divina providencia pape noni anno ipsius duodecimo, presentibus honorabilibus et discretis viris dominis Iacobo de Budwicz,⁶ Nicolao Borek, perpetuis vicariis ecclesie Olomucensis, et Martino, succentore scole Olomucensis, testibus ad premissa specialiter rogatis et vocatis.

Et ego Conradus, olim Iohannis de Tesschin, clericus Wratislaviensis diocesis, publicus auctoritate imperiali notarius necnon scriba causarum consistorii Olomucensis, predictis presentacioni, confirmationi, institutioni, investiture omnibusque aliis et singulis premissis, dum sic, ut premittitur, agerentur et fierent, unacum prenominatis testibus presens interfui eaque sic fieri vidi, manu nostra propria conscripsi et in hanc publicam formam redigi signoque et nomine meis solitis et consuetis unacum sigilli dicti capitulo Olomucensis appensione de mandato dicti domini Andree archidiaconi et capitulo ecclesie Olomucensis speciali consignavi, rogatus et requisitus in fidem et testimonium omnium et singulorum premissorum. Constat mihi notario de rasuris in tercia et VII^a lineis factis a principio numerando in nomine videlicet Nicolai.

^a in rasura scriptum est A.

^b in rasura scriptum est A.

¹ Havlíčkův Brod, olim Německý Brod, civitas in Bohemia.

² Seu Lomnice seu Dlouhá Lomnice seu Dolní Lomnice seu Horní Lomnice seu Lomnice nad Lužnicí seu Lomnice nad Popelkou seu Stará Lomnice.

³ Locus ignotus.

⁴ Magdeburg, civitas in Germania.

⁵ Cieszyn, Český Těšín, civitas in Polonia et in Re publica Bohemica (in Silesia).

⁶ Moravské Budějovice, civitas prope Třebíč (in Moravia).

Nota bene

Všimněte si:

- notářské poznámky
- dvou razur v pergamenu ve jméně Mikuláše a způsobu jejich ověření v notářské poznámce